

朝市可住不如林泉乾隆間巡撫雅公聞其名訪之邈而不見  
眞吳中高士也

### 趙鷗白

達士趙鷗白先生翼一號甌北字雲松陽湖人也乾隆二十六年探花及第官貴西道以母老乞養遂不復出鷗白休官旣早游屐亦寬嘗游天台雁蕩武夷諸峯灑然有挾仙遨遊之想過貴州福泉山徘徊於禮斗亭中錄打坐歌去晚年飯後行逍遙法遂得年登大耋管領林塘者凡數十年

### 殷果園

逸士殷果園先生如梅元和人也安貧樂道幽節自貞人或訪

### 道藏輯要

三丰全集

隱鑑

巽

續畢集七

之則見曲水一灣衡門兩版在橫橋疎柳間簞瓢屢空自如也嘗題一聯云林卧眞堪忘歲月心閑應不愧神仙余神遊見之直評其爲逸士

### 吳竹橋

達士吳竹橋先生蔚光昭文人也登乾隆進士官禮部主事初入詞館卽改儀曹渴慕烟山復辭華廡向禽之志切箕穎之清深矣嘯傲湖山覃研文史搜奇碑版跌宕琴樽人皆羨其風流吾獨重其高隱

### 羅雨峯

逸士羅雨峯先生聘歙縣布衣也後寄几於楊州嘗受業於壽

門筆有奇情喜畫鬼物凡有所遇皆寫長卷記之成鬼趣圖余  
神遊雨峯之齋鬼皆起拜真奇事也既能畫更能詩喜遊山水  
更好禪宗嘗作起信錄釋禪淨兩家之惑

### 翁澹生

逸士翁澹生先生春華亭布衣也性情清曠詩筆蕭閑許用晦  
羅昭諫猶不逮也其友人序其集云嗜恬淡甘寂寞菽水奉母  
耕讀教第四十不娶亦不就有司試爲詩如未絃疏越一唱三  
嘆八句盡澹生矣翁游揚州題壁有二分月影關山夢一派濤  
聲今古愁之句余適化老道閑遊礙愁夢二字非逸士所言爲  
改夢爲共愁爲流取共此一輪月滄江流不息之義翁重過見  
道藏輯要

三事全集 隱鑑

巽 續畢集七

之悚然下拜曰改吾詩者非仙筆不能也

### 徐涸溪

逸士徐涸溪先生大椿吳江布衣也性好湖山不慕榮利平時  
以清淨爲宗闢草堂於太湖之濱門前七十二峯青入座間註  
陰符經解及道德句解燦然可觀自營藏脫題一聯云滿山  
靈草仙人藥一徑松風處土墳余神遊見之